

Kristo katika Fikra Zetu Zote

Ee Mungu, unichunguze, uujuje moyo wangu, Unijaribu, uyajue mawazo yangu; Uone kama iko njia iletayo majuto ndani yangu, Ukaniongoze katika njia ya milele—**Zaburi 139:23, 24.**

Wachache wanatambua kwamba ni wajibu kudhibiti fikra na mawazo. Ni vigumu kuweka akili isiyo na nidhamu kwenye masuala yenye manufaa. Lakini ikiwa mawazo hayajatumiwa vizuri, dini haiwezi kustawi rohoni. Lazima akili isheheni mambo matakatifu na ya milele, vinginevyo itajihusisha na mawazo duni na ya juu juu tu. Nguvu zote za kiakili na kimaadili zinapaswa kuadibishwa na kisha vitaimarishwa ... kwa mazoezi.

Ili kuelewa jambo hili vizuri, lazima tukumbuke kwamba mioyo yetu kwa asili ni mipotovu na hatuwezi kwa sisi wenyewe kuifuata njia sahihi. Ni kwa neema ya Mungu tu, ikijumuishwa na juhudi ya bidii zaidi kwa upande wetu, ndipo tunaweza kupata ushindi. Akili kadhalika na moyo, lazima viwekwe wakfu kwa ajili ya huduma ya Mungu. Anayo madai kwetu sote.

Wachache wanaamini kwamba binadamu ameshuka chini sana kama ilivyo au kwamba hali ya mwanadamu ni vibaya mno na anapingana sana na Mungu, kama ilivyo.... Akili inapokuwa haiko chini ya ushawishi wa Roho wa Mungu, Shetani anaweza kuifinyanga kama atakavyo. Nguvu zote za kimantiki anazozitawala atazifanya kuwa za kimwili. Yu kinyume na Mungu moja kwa moja katika ladha yake, mitazamo, matakwa, apendavyo na asivyopenda, uchaguzi wa vitu na shughuli zake; hakuna kitu cha kuwavutia kwa kile ambacho Mungu anakipenda au anachokikubali, bali hufurahia mambo ambayo Yeye huyakataa....

Ikiwa Kristo anakaa moyoni, atakuwepo katika fikra zetu zote. Mawazo yetu ya kina yatakuwa juu Yake, upendo Wake na usafi Wake. Atajaza vyumba vyote vya akili. Upendo wetu utakitwa kwa Yesu. Matumaini na matarajio yetu yote yatahusiana Naye. Kuishi maisha tunayoishi sasa kwa imani katika Mwana wa Mungu, tukitajia na kupenda ujio Wake, itakuwa furaha kuu ya roho. Yeye atakuwa taji ya furaha yetu.

Wale ambao wamezoeza akili kufurahia mazoea ya kiroho ndiyo wanaoweza kubadilishwa na kutolemewa na usafi na utukufu wa mbinguni upitao kiasi.